

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 499 del 08/03/2024

Traduzione in cimbrio

"Pèrng zo leba: di zukunft von Hoachan Lentar"

[Cimbrio] 'Z izta offe di zait zo magase kandidàrn vor abstract un poster zoa zo nemma toal dar vünfte editziong von tagung "Arco Alpino" pinn titl "Pèrng zo leba: di zukunft von Hoachan Lentar". Dar naüge trèff vonar serie vo mearare tagung zo reda übar di bichtegarsten tëme boda àgian in pèrng khint augelekk vodar Stiftung Franco Demarchi un bartze haltn atz 11 un atz 12 von bimmat 2024 ka Tria.

In disa naüge editziong von Tagung bölltma untastraichan, nützante mearare struméntn, **bazta iz drå vürzokhemma un alle di naüng sachandarn boda auvalln un boda àgian in lentar von pèrng**, lentar boda in ta'vo häüt soin hèrta mindar gelebet un darzuar berdada lebet khint hèrta eltar, dar starch drukh von turismo un di kamöüschaft boda khemmen hèrta ermar, dar Tagung bill vorleng naüge idee un prodjèkte.

Durch **teoresche studje un realege kase** bartmase auhaltn zo reda vo bia di sachandarn soin gebèkslt dise djar, bia da soin drå zo bèksla häüt un aftz prodjèkte, stratedjìan un politike vor djar boda khemmen. 'Z bartnda nemmen 'z bort merare redar zbisen disan di Letizia Bindi (UNIMOL), di Federica Buffa (UNITN), dar Marco Bussone (UNCEN), di Federica Burini (UNIBG), dar Paolo Costa (FBK), dar Roberto Poli (UNITN), dar Annibale Salsa (TSM Step) un dar Pier Paolo Viazzo (UNITO).

Dar tagung bart soin inngerichtet in drai plenar sesiongen un àndre zboa aftz garadege tëme: kultùr un auzseng, teritoriàl welfare, ekonomisch un turistik entwìklung.

Ma vorst zo vüara soine pensìarn, di vorlegom, bazta iz auvarkhent von soin nàsüach alln in studjös von fenomene boda àgian in lentar von pèrng un in nàsüachar, in profesionìstn un in policy maker boda arbatn zo geba vèrt in pèrng.

Di abstract un di poster mochan khemmen inngètt vor atz 26 von abrèl 2024 dena bartnsa khemmen geschètzt von bizzascht komitatt von Tagung.

Bazta servìrt zo kandidarase mage khemmen abegenump vodar websait "[Call for abstract e poster](#)", da bartar vennen o allz daz sèll boma mocht bizzan übar in Tagung.

Dar Tagung khint augelekk pittn schütz vo: autonome Provìntz vo Tria, Società dei Territorialisti/e onlus, tsm|step Scuola per il governo del territorio e del paesaggio e Unione Nazionale Comuni Comunità Enti Montani.

Übarsetzt von Schaltarle vor di zung von Toalkamou vodar Zimbar Hoachebene

(cdt)